

DEO OPT. MAX. FORTUNANTE.

*Ex*

ANTIQVITATE  
MARTYROLO-  
GICA

DISSERTATIO ACADEMICA,

*Quam*

IN ILLUSTR. FRIDERICIANA

PRAESES

A. MARTINUS LUBATH,

Et

RESPONDENS

CHRISTOPHORUS SCHULTZE,

BEROLINENSES MARCHICI,


PUBLICAE DISQV. SITIONI

SUBMITTUNT.



---

AD D. AUGUST. A. O. R. M. DC. XCIII.



HALAE MAGDEBURGICAE

Typis CHRISTOPHORI SALFELDII, REGIMINIS ELECT.

BRANDENB. Typ.





Q. D. B. V.

**Q**ui obortis in primitiva Ec-  
clesia tempestatibus pro Doctrina  
Veritatis & Gloria Christi ad sangvi-  
nem usque decertarunt, atque illius  
in honorem, quem coram Tyrannis,  
quolibet tormentorum Genere affecti, palam sunt  
confessi, fideique suæ professionem morte tandem,  
tanquam annulo, obsignarunt, Martyrum nomine  
proprie veniunt. AUGUSTIN, *contra Faust. Lib.*  
*XXII. Cap. LXXVI.* ISIDORUS *Lib. VII. Ori-*  
*gin. Cap. XI.* AMMIAN, MARCELLIN *lib XXII,*  
*& XXVII.* EUSEB. *H. E. Lib. V. Cap. II.* Et  
quamvis apud nonnullos Scriptores Martyrum  
nomina ac Confessorum crebro permutata & præ  
iisdem habita videamus: tamen recepto Martyro-  
logiorum more & constanti Usu discrimen inter

illos recte observatur. Omnes equidem Martyres fuerunt Confessores, sed Confessores nondum Martyres, verum DESIGNATI & CANDIDATI Martyrii, ut antiquæ & reconditæ doctrinæ Scriptor ac Latinorum Theologorum multo omnium Doctissimus & Antiquissimus eleganter admodum eos vocat *Libr. ad Martyr. Cap. 1.* Impendio namque sanguinis Gloria Martyrum paratur, nec sine cruore Martyrium est, quare Sanctissimus Carthaginensium Præsul *Martyribus* de Rosis *Purpuream*, *Confessoribus* verò de Liliis *Candidam* vendicat *Coronam*, *Ecclesiamq;* in *Martyrum Cruore esse Purpuream* scribit *Epist. VIII. ad Martyr. & Confessor.* Hinc ad locum SULPITII SEVERI, qui ob tersam & elegantem Romani Sermonis dictionem CHRISTIANUS SALLUSTIUS Cl. BARTHIO audit *Lib. XII. Adv. Cap. xlii. Lib. xlii. Cap. iv.* B. Martinum, Episcopum Turonensem, Martyrem fuisse & sine cruore implevisse Martyrium, existimantis in *Epist. ad Aurel. Diacon. de Obitu Martini p. m. 532.* Celebr. SCHURTZFLEISCHIIUS animadvertit: *Sed quia Martyrum ætas ferro transacta*

*Etā est, indulgemus Sulpitio figuram con-  
 sectanti, laxiusq; loquenti. Nam qui san-  
 guine effuso non tulit hanc palmam, Mar-  
 tyr dici non potest, nisi efficere velis, ut  
 Martyrem sine nota consideremus. In  
 Ecclog. Martyrolog. §. III.*

Atqve Strenuos hos Christi Milites & Athle-  
 tas fortissimos gradibus quibusdam distingvere  
 consuevit Veneranda Antiquitas. Nam ut B. Ste-  
 phanum elogio *πρωτομάρτυρος* maectavit, quod inter  
 mulieres nacta est B. Thecla: ita alios vocavit *ισομάρ-  
 τυρας*, alios *μεγαλομάρτυρας*; alios nominavit *καλλιμάρ-  
 τυρας*, alios deniqve *ἁγιομάρτυρας*, quorum omnium  
 Duce[m] & Imperatorem Summum Christum Do-  
 minum *Μίγαν τὸν Μάρτυρα* constituit. MONTACU-  
 TIUS *de Originib. Eccles. Tom. I. fol. 261.* JOSVA  
 ARND *in Lexic. Antiquit. Eccles. p. m. 607.*  
 CASP. SAGITTARIUS *de Cruciatib. Martyr. C. I.*  
 §. xv. p. m. 7. ALSTEDIUS *Paratitl. Theolog. p.*  
*m 269.* Proinde Zelotes tam præclaros ob fidei Ma-  
 gnitudinem vitæqve sanctitatem suspicere decet,  
 illorumqve *ἀνδραγαθήματα*, cum tam gloriosis morti-  
 bus tot subierint Martyria, mente pia considera-  
 re, nec perfunctione intueri, verum æmulari, quo

& nos, si tempus ferat ac necessitas efflagitet, nulla  
suppliciorum aut tormentorum genera pro Verita-  
te & Gloria Dei subeunda detrectemus aut subter-  
fugiamus, sed Glorioso pariter certamine Veritatis  
& fidei Exemplum præbeamus. Eò tot Patrum  
loca collimant, quorum nonnulla adscribere, mul-  
tis aliis missis, haut inutile fore arbitramur. *Martyrum*, inquit, DAMASCENUS, *consideran-  
tes conversationem, æmulemur fidem,  
dilectionem, spem, fervorem, vitam, to-  
lerantiam, afflictionum Patientiam, ad  
Sanguinis usque profusionem, ut & Glo-  
riæ Coronarum cum illis participes fia-  
mus*, Lib. IV. de Orthodox. fide Cap. XVI. Idem  
docet BASILIUS M. *Comemoremus Marty-  
rum in Pietate ad mortem usq; constan-  
tiam, ut ad similem Zelum excitemur*.  
Tom. II. Oper. Lib. Regular. per Quaestion. & Re-  
spons. Tractat. Quæst. XL. fol. 483. Nec non AM-  
BROSIUS: *Ad consortium Martyrum si  
pervenire volumus, de imitatione cogite-  
mus*, Sermon, XVII, de B. Laurentio fol. 150.

Hæc

Hæc aniam nobis dederunt præsentem con-  
scribendi dissertationem , quâ Sanctorum quo-  
rundam Primævæ Ecclesiæ Præfulum cruenta Mar-  
tyria evolvere constituimus. Non est animus in-  
tegras Tantorum Heroum contexere Vitas , licet  
res Scriptione foret dignissima; verum de illorum  
Ultimis brevissimas saltem ducere lineas , viamque  
ad ulteriorem pandere indaginem. Sin autem mi-  
nus argumenti nostri, quod pertractare suscepimus,  
in omnibus satisfecerimus dignitati , illius gravitas  
nos excusabit , partesque nostras LYRICORUM  
PHOENIX ex *Epistolar. Lib. I. Epist. I.* tuebitur,  
*Est quodam prodire tenus , si non datur  
ultra.*



CAP. I.

CAP. I.  
De  
MARTYRIO  
IGNATII AC POLYCARPI.

§. I.

**D**IVUS IGNATIUS Discipulus Jo-  
hannis Theologi dicitur atque Eccle-  
siæ Antiochenæ Episcopus, quam per  
aliquot annorum decursum insigni  
pro Gloria Dei Zelo & fidei constantia gubernavit.  
EUSEB. *H. E. L. III. Cap. XXII.* HIERONYM. *de Scri-  
ptorib. Ecclesiast. Cap. XVI.* CHEMNIT. *de Lect.  
Patr. p. m. 2.* Quantis vero virtutibus ac donis fue-  
rit conspicuus S. Pater, haut difficili negotio inde  
colligere licet, quod ipsi Apostoli dignum judica-  
rint, qui ad sedis Antiochenæ Episcopatum evehe-  
retur, *Chrysostom. Homil. in S. Ignat. T. I. Oper.  
p. 499.* imo διὰ τῆς τῶ μεγάλης πίστεως δεξιᾶς, teste THEO-  
RETO, hanc Provinciam suscepit *Dialog I. p. 33.*

§. II. QUÆ NICEPHORUS *L. II. C. XXXV.*  
consignavit, Ignatium Eum esse, quem tenellum  
adhuc Dominus inter discipulos medium statuit,  
Matth. XIIX. 2. incertæ & dubiæ sunt autoritatis,  
ideoque ob defectum testium, qui hæc affirmant,  
fi.



fides deficit. CENTURIATOR. *Cent. II. Cap. X. p. m.*  
*127.* Exinde tamen cognomen  $\Theta\epsilon\omicron\varsigma\omicron\upsilon\omicron\upsilon$  Ignatium;  
multi volunt, reportasse THOM. POPE-BLOUNT  
*Censur. celebrior. Autor. p. m. 96.* qui pariter anti-  
qvitatis testimonio destituuntur. Alias de Solo  
Ignatii Natali Ejusqve Parentibus nulla vestigia in  
Antiquissimis extant monumentis.

§. III. De Epistolis Ejus, quas nobis MAR-  
GARINUS de la BIGNE *Tom. III. Biblioth. Patr.*  
*p. 3. ff.* exhibet, & quarum COD. MSC. in Augu-  
stana ac Florentina Bibliothecis aservari scribit SPI-  
ZELIUS *Arcan. Biblioth. relect. p. m. 8. 86.* multum  
inter Viros summos solet disceptari. Nullum e-  
quidem dubium quin Epistolas scripserit S. Pater,  
sed an omnes, quotquot hodie circumferuntur,  
eundem agnoscant Autorem, in controversiam ve-  
nit. Sunt qui illas septem pro genuinis saltem  
Ignatii Epistolis habent, quarum HIERONYMUS  
diversis in locis cum EUSEBIO *Lib. III. H. E.*  
*Cap. XXXVI.* mentionem facit: alii contra omnes  
in Universum Ignatio attribuunt. Utraque pars  
non sicut in instructa argumentis graves opinio-  
nis suae profert rationes. Verum hanc litem Do-  
ctiorum judicio relinquimus dirimendam. No-  
bis ad illorum placet accedere sententiam, qui illas  
Epistolas, quas HIERONYMUS & EUSEBIUS ci-

B

tant.

tant, Ignatio tantum vendicant, nec pro certo ta-  
men affirmare audent, annon illæ ipsæ etiam  
quadantenus sint interpolatæ. DORSCH. *Missar.*  
*Miss. p. m. 249.* DANHAUER. *Christeid. p. m. 283.*  
290. BEBEL. *Antiquit. trisecul. p. m. 2. ff.* EPHE-  
MERID. ERUDIT. *Part. II. p. 447.* RIVETUS  
*Critic. Sacr. L. I. C. I. II. III. p. m. 175. ff.* COCUS  
*Censur. Scriptor. Veter p. m. 109. ff.* SCULTETUS  
*Medulla Patr. Part. I. L. XI. C. I. p. m. 399.* EL-  
LIES DU PIN *Nov. Biblioth. Auctor Ecclesiast.*  
*Tom. I. p. m. 58.* CAVEI *Histor. Literar. p. m. 29.*

§. IV. In persecutione Tertia sub Imperato-  
re Ulpio Trajano A. C. circiter CLX. vitam Marty-  
sio finiit. Nam quod Idolis sacrificare nollit, Cul-  
tuq; Divino eadem prosequi detrectaret, sed illam  
redargueret superstitionem, à Trajano cum mani-  
pulo pessimorum militum Romam missus, ut la-  
niatu bestiarum interiret. EUSEB. in *Chronic. ad*  
*A. X. Trajani.* BUCHOLC. *Ind. Chronol. p. m. 154.*  
FRECULF. *Chron. T. II. L. II. C. XI.* CENTU-  
RIAT. *Centur. II. C. X. p. m. 129.* GREGOR. TU-  
RONENS. *Histor. Francor. L. I. C. XXVII.* An-  
tiochia verò cur Romam ad supplicium fuerit de-  
ductus D. Ignatius, plerique ideo factum existi-  
mant, ne ex cæde Ejus motus quidam Antiochiæ

ori-

oriuntur. KORTHOLT. *de Persecut. primæva*  
*Eccles. Cap. III. §. XVI p. m. 88.*

§. V. Quanta in tam longo itineris tractu  
perpeſſus mala, quantoq̃ue habitus fuerit ludibrio  
ab Ethnicis militibus, ex nullis melius volumini-  
bus, quam iſtis Ignatii verbis cognoſcitur. Ita  
enim in *Epistola ad Romanos* fertur ſcripſiſſe:

*A Syria Romam uſq; beſtiis depugno,  
per mare, per terras, noctes atq; dies, col-  
ligatus decem Leopardis, i. e. manipulo  
militum: qui beneficiis à me affecti, ſæ-  
viores fiunt. Verum ego injuriis quidem  
illorum erudior: non idcirco tamen juſti-  
ficatus ſum.*

Nihilominus tamen ſingularum  
Civitatum, quas occasione tam moleſti itineris in-  
greſſus, Eccleſias Heroico ſpiritu ac divino Zelo,  
quò pro conſervanda puritate Evangelica flagra-  
bat, admonuit, ut traditionibus Apoſtolorum tena-  
citer inhærerent, ſibiq̃ue à pravis hæreticorum o-  
pinionibus caverent. EUSEB. *L. III. H. E. Cap.*  
*xxxvi.* Tales igitur fragrantias inter vincula & Leo-  
pardos, cœu ſpinas, Odorifera hæc Roſa, de ſe ſparſit,  
ex cujus odore Spiritus receperunt, qui animam  
agere videbantur,

§. VI. Tandem Romam ubi pervenit, ab hostibus in Amphitheatro coram multitudine hominum Leonibus objiciendus sistebatur. Tum voti sui, quò tam anxie expectaverat Martyrium, compos quidem redditus S. Pater: quanta verò animi magnitudine illud ipsum subierit, verbis exprimi nequit, Conf. POLYCARP. *in Epist. ad Philipp.* ORIGIN. *in Evang. S. Luc. Homil. vi.* ATHANAS. *Epist. ad Epiſtet.* Consideremus ipsius Martyris verba, quæ EUSEBIUS *H. E. L. III. C. XXXVI.* recenset, & stupenda animos nostros subibit admiratio. *Utinam, inquit, fruar bestiis illis, quæ mihi paratæ sunt. Quas equidem opto ut quamprimum inveniam. Palpaturus sum eas, ut me celeriter devorent, nec metu absterritæ mihi parcant, quemadmodum aliquibus pepercerunt. Quodsi fortè recusabunt, ego eas vi adigam. Veniam mihi date. Novi quidnam mihi conducat. Nunc tandem incipio esse Christi Discipulus. Nulla res, tam earum, quæ aspectabiles sunt, quam earum, quæ sub Oculos non cadunt, animum*  
*meum*

meum capiat, ut Jesu Christo possim poti-  
ri. Ignis, crux, bestiarum impetus, ossi-  
um distractio, confractio membrorum, ac  
totius Corporis contusio, diaboli deniq;  
supplicia in me Unum incursent, dummo-  
do Christo mihi frui liceat. Et cum jam  
projectus bestias audiret rugientes, ardore patiendi  
ait: *Viri Romani, qui hoc certamen spe-  
ctatis, non sine causa laboravi, quia non  
propter pravitatem hæc patior, sed pro-  
pter pietatem: Frumentum Christi sum,  
dentibus bestiarum molor, ut panis Dei  
mundus inveniar.* HIERONYM. *de Scripto-  
rib. Eccles. Cap. XVI.* IRENÆUS *adv. hæres. L.V.*  
*Cap. xxviii.* CASAUB. *Exercit. xvi. num. CL.*

§. VII. Sed hæc ultima Ignatii verba, ab Hie-  
ronymo dato loco adducta, minime accipi posse  
existimat CL. KORTHOLT. *de Persecut. prim. Ec-  
cles. Cap. III. §. XV. p. m. 88.* quasi Romæ à Sancto  
Martyre bestiis jamjam obijciendo essent prolata:  
siquidem ex Ignatiana ad Romanos Epistola sunt  
petita. Verum id procul dubio iisdem HIERO-

NYMUM voluisse saltem indicare, tanto Ignatium  
arsisse Martyrii amore & desiderio, ut jam tum sæ-  
vo Leonum rugitu Ipsius, licet adhuc absens, ,  
aures quasi personuerint.

§. VIII. Famelici igitur Leones in Corpus Igna-  
tium incidentes, præter ossa nonnulla solidiora  
ac validiora, illud devorarunt, ceu Vetusissima illius  
Martyrii Acta expresse confirmant. GALLONIUS  
*de Cruciat. Martyr. Cap. Ultim. p. m. 437.* SAGIT-  
TARIUS, *de Cruciat. Martyr. Cap. IX. §. XVI. p.*  
*m. 96* NICEPHOR. *L. III. C. XIX.* Venerabilis au-  
tem BEDA *in Martyrolog. ad VIII. Calend. De-*  
*cembr. & ADO VIENNENSIS Libr. de festivitatis.*  
*Apostolor. & Apostolicor. Viror.* Leones tantum-  
modo eum præfocasse, ossa autem Illius reliquisse  
intacta scribunt. Pro priori tamen Sententia pu-  
gnat Antiquitas.

§. IX. Reliquias Sancti Martyris ab Urbe Ro-  
ma Antiochiam transportatas extra portam Daph-  
niticam esse positas, in qua celebritate S. Chryosto-  
mus concionem ad populum habuerit, MARTY-  
ROLOGIUM tradit ROMANUM *ad D. XVII:*  
*Decembr.* HIERONYM. *de Scriptorib. Eccles. Cap.*  
*XVI.* Dein vero, Tempore Theodosii Junioris, in  
ipsam Civitatem Antiochiam delata esse Ignatii  
Ossa, atque in Templo Fortunæ recondita ex Jo-  
han-

hanne Rhetore refert EMAGRIUS *Lib. 1. H. E.*  
*Cap. XVI. NICEPHOR. L. XIV. Cap. XLIV.*

§. X. Et cum à non nullis memorie proditum sit, Ignatium sæpius dicere consuevisse, AMOR MEUS CRUCIFIXUS, VINCENTIUS BELLOVA CENSIS. cordi Illius aureis literis nomen JESU inscriptum fuisse, asserit. Ita quippe *Lib. X. Specul. Histor. Cap. LVII.* scribit: *IGNATHI Cor cum minutatim divisum esset, nomen Domini JESU CHRISTI, literis aureis, ut legitur, in singulis partibus inventum est: Dixerat enim se habere CHRISTUM in corde.* Eadem apud THOM. & KEMPIS *Meditat. Lib. 1. de Incarnat. num. XXIX.* & BAPTIST. MANTUANUM *Lib. II. Sacror. dier.* habentur. Verum, cum ista fabulis videantur similiora, quam veritati, nec habeant Veteres aut probatos testes; iudicium penes Lectorem esto. CENTURIATORES *Cent. II. C. X. p. m 130.*

§. XI. Illud tamen notatu dignum quod SOCRATES alterni cantus originem seu morem Antiphonarum B. Martyri attribuat. Nam *Lib. VI. H. E. Cap. VIII.* Ignatium, in quadam visione Angelos S. S. Trinitatem hymnis alterna vice decantantis callaudentes audivisse, atque ad illorum imitationem

nem

nemin Conuersationibus sacris hunc modum laudandi Deum constituisse, annotavit. Sed de his BOEMUS, DURANDUS, GAVANTUS, CASALIUS aliqve sacrorum Rituum V. E. & Antiquitatum S. consulendi veniunt Scriptores.

§. XII. Ad cruentam POLYCARPI mortem jam progredimur, qui itidem Auditor fuit Johannis Theologi & B. Ignatii condiscipulus, cui etiam Ignatius Romam ad Martyrium proficiscens, Gregem Ecclesiæ Antiochenæ commendarat, rogans, ut omni cura & Studio illum foveret. EUSEB. *H. E. Lib. III. Cap. xxxvi.* DRESSER. *Isagog. Hist. Millen. V. p. m. 75.* HEIDMANN. *Compend. Histor. Part. II. Lib. IV. p. m. 172.* Eundem à Præceptore suo Johanne Evangelista Ecclesiæ Smyrnenfis constitutum volunt Episcopum: HIERONYM. *de Scriptor. Eccles. Cap. xvii.* DU PIN *Biblioth. Scriptor. Eccles. Tom. I. p. m. 76.* SPANHEM, *Introduct. ad Histor. Sacr. T. I. p. m. 235.* Sed EUSEBIUS ex IRENÆO ab ipsis Apostolicis ordinatum scribit, *Lib. IV. H. E. Cap. XIV.* Ita vero IRENÆUS *Lib. III. aduers. Hæretic. Cap. III.* Polycarpus non solum ab Apostolis edoctus, & cum multis, qui Dominum viderunt, conuersatus, verum etiam



*iam in Asia Smyrnenſi Eccleſiæ ab Iſtis  
Apoſtoliſ ordinatus eſt Epiſcopuſ.*

§. XIII. Peculiari Epiſtola ad Philomelieneſes  
S. Polycarpi Martyrium accurate deſcripſit Eccleſia  
Smyrnenſis, (unde Martyrologia ſuam inveniſſe  
originem, ex aliorum obſervationibus MATTHI-  
AS FRIEDER. BECKIUS in ſuo *Martyrologia  
Germania pervetuſto* non ita pridem edito ſcribit  
*Cap. I. §. II. p. m. 3.*) cujuſ Epiſtolæ maximam par-  
tem EIſEBIUS *Lib. IV. H. E. Cap. XV.* exhibet,  
reliqua vero, quæ prætermiſſa ſunt, in Notis Euſe-  
bianis HEINRICUS VALESIUS *p. m. 68.* ex Editio-  
ne Anglicana JACOBI UISSERII ſupplevit. Nam  
Celeberrimuſ ille Præſul Ammachanuſ integram  
Smyrnæorum Epiſtolam ex Cod. Barrociano una  
cum antiquo Interprete Latino ex Eccleſiæ Saris-  
burienſis Codice M S C. Appendici ſuæ Ignatianæ  
ſeptimo & quadrageſimo præſentis ſæculi Anno ad-  
jecit. Ut autem hæ literæ multa notatu continent  
digniſſima, ita Studioſæ Uniuſcujuſ lectioni meri-  
to commendandæ. *Quorum lectione Pio-  
orum animuſ ita afficitur, Summuſ inquit  
SCALIGER, ut nunquam ſatur inde rece-  
dat. Quod quidem ita eſſe, unuſquiſq; pro  
capitu*

capitū suo & conscientie modo sentire potest. Certe ego nihil unquam in *Historia Ecclesiastica* vidi, à cuius lectione commotior recedam, ut non amplius meus esse videar. *Animadv. Euseb. Num. MMCLXXXIII.*

§. XIV. Centenario, ut creditur, major Regnante M. A. Antonino Philosopho, A. C. CLXVII. vel juxta alios CLXIX. sub quo quinta in Christianos persecutio agitata, Martyr Coronam Smyrnæ adeptus est Venerandus ibidem Ecclesiæ Episcopus. SULPITIUS SEVERUS *H. E. L. II. C. XLVI.* & HORNIUS in *Nor. p. m. 403.* ALSTED. *Thef. Chronol. p. m. 33.* HAIMO *L. V. Cap. XX.* GREGOR. TURONENS. *Histor. Francor. Lib. I. Cap. XXVIII.* Hinc gravem commisit errorem SOCRATES sub Imperatore Gordiano Polycarpum esse passum asserens *Lib. V. H. E. Cap. XXI.* qui tamen Imperator integro seculo post regnare primum cœpit quam Polycarpus fato concessit.

§. XV. Nam cum Smyrnæ, in Jonia Asiæ minoris acriter adversus Christianos sæviretur, Polycarpus quoque ad mortem est quæsitus. Qui primo precibus amicorum victus, non procul ab Urbe in villam quandam se contulit, & ibi cum paucis

cis quos secum habebat, commoratus, hostes at-  
que dies pro tranquillo Ecclesiæ Statu, ardentes ad  
Deum preces, more alias consveto, fudit. Tri-  
duo ante vero quam caperetur, per quietem Cervi-  
cal suum flamma accensum repente consumi-  
vidit, indeque pro fidei Christianæ veritate igni se  
absumentum iri prædixit. Quia vero omni Studio il-  
lum perquirent, amore fratrum compulsus in a-  
liam villam denuo secessit. Neque multo post, qui  
ipsum insequerentur, eo devenerunt & a puero  
quodam ad diversorium Polycarpi sunt deducti.  
Qui licet illinc, de hostium adventu certior factus,  
in aliam domum se facillime conferre potuisset, ta-  
men noluit, sed dixit: *Fiat voluntas Domini.*  
Mox adventantes comiter excepit, mensam iis ac-  
tutum apponi iussit, utque cibum caperent est hor-  
tatus: sibi vero Unius saltem horæ spacium, quo  
preces Deo offerret, postulavit. Quod cum abil-  
lis impetrasset consurgens orare cœpit, in tantum  
divina repletus gratia, ut obstupescerent omnes qui  
aderant, præcantem illum auscultantes: multi que  
eorum tam venerabilem ac divinum Senem jam  
jam interficiendum vehementer dolerent. Post-  
quam orandi finem fecerat, totamque Ecclesiam per  
Universum orbem dispersam calidissimis votis Deo

commendaverat, satellites Asino Eum imponentes  
in Civitatem deduxerunt. EUSEB. H. E. Lib. IV.  
Cap. XV.

§. XVI. Ingressus autem stadium cum multis  
aliis coelitus audivit hanc vocem: *ἰσχυε, Πολυκαρπε, & ἀνδρίζε: Fortis esto, Polycarpe, & viriliter  
age!* Quod coeleste effatum adeo confirmavit  
Martyrem, ut forti pectore pertulerit, quæ hostes  
tentarent, & imperterrito animo expectarit, quæ mi-  
narentur. Hinc nec Herodes Irenarcha (horum  
munus erat seditiosos homines & pacis publicæ  
turbatores comprehendere & ad iudicium tribuna-  
lia pertrahere. AUGUSTIN. *Epist. CXL. &  
CLIX.*) & Pater ejus Nicetas coma perſuasiōe  
ipsum ad sacrificandum cultumq̃ve divinum Cæsa-  
ri exhibendum allicere potuerunt: nec Asiæ Pro-  
Consul Staius Quadratus dulcioribus verbis illi  
perſuadere valebat, ut grandævæ suæ ætatis velit  
habere rationem & Sacramento fidem abnegare,  
CHRISTOq; dicere convitia; hæc si faceret, saluti  
suæ consulcret. Verum illis gravi vultu: *Nun-  
quam id faciam quod ſuadetis:* huic autem  
erecta fronte respondit: *Sex & octoginta con-  
tinuos annos. Et ministravi nec ulla me  
un-*

*unquam affecit injuria: & quomodo pos-  
sum impie loqui adversus Regem meum  
auctoremq. salutis meæ? CENTURIATO-  
RES Cent. II. Cap. III. p. m. 26. Qvos LXXXVI.  
annos non de Ministeriis nec totius vitæ, sed recti-  
tus de iis annis, quibus Christum professus inde à  
Baptismo tuo, intelligi debere censet SPANHEI-  
MIUS Introd. ad Histor. Sacr. Nov. Testam.  
Tom. I. p. m. 235.*

§. XVII. Adhæc Pro-Consul, se nihil dul-  
cioribus verbis effecturum, videns, iracundus in eum  
invehatur: *Jura per Genium Cæsaris.  
Persvade populo. Muta sententiam tu-  
am: sin minus, Bestiæ præsto sunt, qui-  
bus Te objiciam. Has quando spernis,  
faxo ut incendio domeris.* Sed nec his mi-  
nis à tramite Veritatis abduci poterat S. Polycarpus,  
quippe qui tanta animi magnitudine ad omnia re-  
spondit, ut cum stupore conjuncta admiratio ipsi-  
us Pro-Consulis animum occuparet. *Ambitiose  
contendis, ut ego per genium, quem vo-  
cas, Cæsaris jurem, simulans te ignorare,  
quis sim, audi libere profitentem.* Chri-



stianus sum. Quod si Christiani cultus  
rationem cupis agnoscere, da mihi diei  
spatium, & audies. Tibi quidem ratio-  
nem reddere non me piget. Præ-  
ceptum enim nobis est, ut Magistratibus  
& potestatibus à Deo constitutis hono-  
rem debitum exhibeamus, qui nobis ipsis  
nihil noceat. Illos verò parum dignos  
censeo quibus fidei nostræ rationem red-  
dam. Bestias, quas præsto esse dicis,  
accerse. Neque enim nobis à melioribus  
ad deteriora mutabilis mens est. Ignem  
minaris qui ad horæ spatium ardet, sta-  
timq; extinguitur. Ignoras scilicet il-  
lum futuri iudicii æternæque damnatio-  
nis ignem, qui impiorum supplicio reser-  
vatur. Sed quid cessas? Profer quod-  
cunque volueris. EUSEBIUS H. E. L. IV.  
Cap. XV.

§. XVIII. His ita gestis Statius Quadratus per  
Præconem (moris namque erat præcone causam  
con-

condemnationis dicente de damnatis poenas exigi)  
in medio Stadio ter proclamari iussit: *Polycarpus se Christianum esse professus est.* Qua  
præconis voce audita Univerſa Gentilium & Ju-  
dæorum, qui Smyrnâ incolebant, multitudo in-  
genti ſtrepitu & magno impetu exclamavit; *Hic  
eſt Doctor Aſiæ & Pater Chriſtianorum:  
everſor Numinum noſtrorum: qui multis  
præcipit ne ſacrificent, neve Deos im-  
mortales adorent!* ſtatimqve Philippum Aſiar-  
chum rogarunt ut Leonem adverſus Polycarpum  
emitteret. At ille negavit id ſibi licere, quippe Am-  
phitheatrale ſpectaculum jam edidiſſet. Tunc  
omnes Uno conſenſu petierunt, ut Polycarpus  
vividus combureretur. Atqve ita dicto citius, Ju-  
dæis præcipue operam ſuam in id conferentibus,  
ex congeſtis undiqve lignis atqve Sarmentis roguſ  
eſt extructus. ECCLES. SMYRNENS. apud Eu-  
ſeb. loco ſæpius citato.

§. XIX. Tunc S. Polycarpus depoſita veſte  
ac ſoluto cingulo calceos exuit: quod quidem an-  
tea facere minime conſueverat. Quippe ſinguli fi-  
delium quotidie ambitione quadam inter ſe de-  
certabant, quivſnam primum veſtem ipſi exueret.  
Tan-

Tanto semper amore ob sanctitatem vitæ & venerandam canitiem Ipsum omnes sunt prosequuti. EUSEB. L. IV. H. E. Cap. XV. Huc referre placet Exemplum simile de Fructuoso, Tarraconensi Episcopo, qui jam jam passurus, se pariter discalceasse scribitur. Nam apud BARONUM legimus: *Cum Fructuosus ad Amphitheatrum pervenisset, statim ad eum accessit Angustalis nomine, Lector ejusdem, flens, & deprecans, ut Eum discalcearet.* Cui B. Martyr respondit: *Missum fac, Fili; ego me discalceo fortis & gaudens.* Ad A.C. CCLXII. n. LXVI. PRUDENTIUS hymno πρὶς seq. X. 73.

§. XX. Tandem instrumenta corpori illius fuere circumjecta, quibus in rogo firmus teneretur. Cumque clavis Eum insuper affigere vellent, dixit. *Sinite me. Qui enim mihi vires dat ad ignis supplicium fortiter sustinendum, idem dabit ut immotus rogo insistam.* Proinde vinculis duntaxat Eum adstrinxerunt. Manusigitur post tergum connectens & ad palum alligatus has ardentissimas ad Deum preces fudit: *Pater Unigeniti & Benedicti filii Tui Jesu Christi, per quem Tui notitiam* ac.



accepimus; Deus Angelorum & Potesta-  
tum, & Universæ Creaturæ, omniumq;  
justorum, qui vivunt in conspectu Tuo:  
benedico Te, qui me in hunc diem & ad  
horam hanc perducere dignatus es; ut  
partem caperem in consortio Martyrum,  
& in calice Christi Tui, in resurrectio-  
nem vitæ æternæ, animæ simul & corpo-  
ris, in incorruptione S. Sancti. Inter quos,  
quæso, suscipiar hodie in conspectu Tuo  
tanquam hostia pingvis & accepta,  
quemadmodum præparasti, adimplens  
ea quæ præmonstrasti. **Verax DEUS.**  
Quamobrem de omnibus Te laude, Te be-  
nedico, Te glorifico, per Sempiternum  
Pontificem Jesum Christum, Unigenitum  
filium Tuum: per quem Tibi, una cum  
Ipso in S. Sancto, Gloria nunc & in Secula  
seculorum. Amen. **EUSEB. L. IV. H. E.**  
**Cap. XV.**

D

§. XXI.

§. XXI. Devotis his precibus finitis, ministri rogam incenderunt. Sed ignis in flammam erumpens, fornicis instar & ceu velum navigii ventorum turgescens flatibus, Corpus Martyris obvallavit. Ille in medio consistens flammæ, carni non exustæ, sed autò vel argento in camino ignito jacenti æqvavit. Adhæc adeo fragrantem in circumstantes de se sparsit odorem, ut corpus ejus thure halante aut alio quodam aromate pretioso delibutum putarent. Si Veterum perlustramus monumenta, paria reperimus exempla. Nam de Agnetæ & S. Julittæ legimus, quod nec illarum corpora in lignorum struem posita à flamma ignis fuerint læsa, sed splendore quodam coruscarint. AMBROS. *Sermon. XC. de Passione Agnetis.* BASIL. *M. de S. Julittæ.* BARON. *ad A.C. CCLXXII. n. 6.* Et in Lugdunensium Epistola, Gallicani Martyres adeo suavem spirasse dicuntur odorem, ut omnes thymiamata existimarint incensa, EUSEB. *Lib V. H. E. Cap. I.* CHRYSOSTOMUS sub calcem *Sermon. in Juveninum & Maximum. Tom. III. Oper.*

§. XXII. Postremo sceleratorum hominum cohors B. Polycarpi Corpus ab igne minime consumi posse videns, carnifici dedit in mandatis, accederet rogam & Martyrem ferro transfoderet. Quo facto magna Cruoris copia effluxit, quæ ignem pror-

prorsus extinxit. Mortui corpus in cineres rede-  
 gerunt Ethnici ne in Christianorum manus perveni-  
 ret. Ossa tamen Martyris semiambusta gemmis  
 pretiosissimis cariora & quovis auro puriora colle-  
 gerunt Christiani & Sepulchro honorificè intule-  
 runt, CAVE in *Hist. Literar.* p. m. 28. Hinc S. Po-  
 lycarpi monumentum hodie apud Smyrnæos con-  
 servari oculatus testis est THOMAS SMITH,  
 Scriptor Anglus, in Epistolis suis de moribus ac in-  
 stitutis Turcarum, & quidem undecima, quæ de  
 Septem Asiæ Ecclesiarum notitia agit, p. m. 165. At-  
 quæ tantum de Illustri hoc Martyrio ex Ipsa Smyr-  
 nensi Epistola dixisse sufficiat, cujus magnitudo  
 quidem nihil præterire patitur, multitudo verò  
 quam plurima cogit omittere. Quæ in *Marga-  
 rin. de la Bigne Biblioth. Patr.* T. III. p. 49, habetur  
 ad Philippenfes Epistola, an Germana sit B. Poly-  
 carpi, diligentes Antiquitatis videant scrutatores.  
 RIVET. *Crit. Sacr.* L. II. Cap. III. pag. m. 199.  
 Centuriator. *Centur.* II. Cap. X. p. m. 134. DUPIN  
*Biblioth. Autor. Eccles.* Tom. I. pag. m. 78.  
 PHOTIUS *Biblioth. Cod.*


CXXVI.

C 2

CAP. II.

CAP. II.  
De  
MARTYRIO  
JUSTINI MARTYRIS. IRENAEI.  
ET BABYLAE.

§. I.

 IUSTINUS Martyr καὶ ἑξῆς di-  
ctus ac cognomento Philosophus ,  
omnium Patrum est Antiquissimus ,  
magni apud Veterum historias nomi-  
nis , non solum propter insignem rerum Divina-  
rum & Philosophiæ cognitionem , sed etiam pro-  
pter Zelum illum , quem luculentissime & magna  
cum laude exeruit ; cum mortem pro Christo for-  
titer appetiit. DALLÆUS *de Usu Patrum Lib. II.  
Cap. IV. p. m. 255.* Natalem habuit Neapolin Palæ-  
stinam , (quæ antiquitus Sichem & Sichar diceba-  
tur , aliquantò post Neapolis, Mabortha vel Ma-  
mortha, nec non Flavia Cæsarea est appellata, JO-  
SEPHUS *Lib. V. de Bell. Judaic. Cap. IV.* PLINIUS  
*Lib. V. Hist. Nat. Cap. XIII.* BÜNTING. *Itinerar.  
Scripturæ S. Part. I. p. m. 72. Part. II. p. m. 14.*  
DuPIN *Biblioth. T. I. p. m. 92.* HORNEJUS *Compend.  
H. E.*

*H. E. Lib. II. Cap. III. n. XIV.*) Urbem non in celebrem, Parentem verò Priscum Bacchium origine Judæum: JUSTINUS *Apolog. II. pro Christianis.* EUSEBIUS *H. E. Lib. IV. Cap. XII. CENTURIATOR. Cent. II. Cap X p. m. 159.*

§. II. Divino prorsus ac singulari Dei nutu à Gentilitia superstitione, cui ab ineunte ætate vacaverat, ad fidem Christi est conversus. Inviictam enim Martyrum in confessione & suppliciis constantiam cernens ac fortitudinem, collegit inde Christianos nec improbos adeo nec voluptati esse deditos: Dein à venerando quodam sene sibi incognito admonitus, ut Prophetarum legeret scripta, qui non demonstrationibus utantur in disserendo, sed ipsius Dei nitantur testimoniis, Religionem Christianam est amplexus, quam postmodum magno animi ardore atque constantia defendit. *Dialog. cum Tryphone. Apolog. II. pro Christianis.* SPIZELIUS *de felici literato p. m. 1006. 1082. Et in pio literati hominis secessu p. m. 35.*

§. III. Fraudibus insidiisque Crescentis, Philosophi Cynici, martyrii coronam reportavit, quemadmodum in Altera pro Christianis Apologia prædixerat: *Et ego quoque expecto, ut*

ab aliquo eorum ; qui Philosophi appellan-  
tuntur, insidiis appetar ac ligno suffigar:  
ab ipso forsitan Crescente τῷ ἀφηλοσόφῳ καὶ φι-  
λοκόμῳ. Neque enim Philosophi nomen me-  
retur, qui de rebus, quas prorsus ignorat,  
publicè loqui, & Christianos impios ac  
profanos affirmare non dubitat. EUSE-  
BIUS H.E. Lib. IV. Cap. XVI. Nam cum in Ur-  
be Roma JUSTINUS haberet πῆς διατριβὰς, & Cre-  
scentem Cynicum, qui multum adversus Christia-  
nos blasphemabat, redargueret gulosum, & mor-  
tis timidum, luxuriæque & libidinum Sectatorem,  
ad extremum studio Ejus & insidiis attractus, ac-  
culatusque quod Christianus esset, pro Christo  
sanguinem fudit. HIERONYM. de Scriptorib. Ec-  
clesiast. Cap. XXIII. & XXIX.

§. IV. Supplicii autem Genus, quò interie-  
rit B. Martyr, veteres ad Unum ferme omnes spe-  
ciatim non definiunt. EUSEBIUS Hist. Eccles.  
Lib. IV. C. XVI. HIERONYM. de Scriptorib. Ec-  
cles. Cap. XXIII. GREGORIUS TURONENS.  
Histor. Francor. Lib. I. Cap. xxviii. TATIANUS  
ASSYRIUS Justinus Auditor Lib. adversus Græcos,  
martyrio saltem pro Christi nomine coronatum  
scri-

scribunt. Recentiores verò Scriptores, quamplurimis eundem tormentis affectum, securi tandem percussum perhibent. HORNEJUS *Compend. Histor. Lib. II. Cap. IV.* MICRÆL. *Syntagm. Histor. Sacr. Lib. II. Sect. I. §. XIX.* SPIZELIUS *Academ. J. C. p. m. 42.*

§. IV. Nec de Martyrii anno rerum gestarum annaliumque consentiunt conditores: alii enim ad Antonini Pii, alii ad Antonini Veri, Imperatorum tempora illud collocant. Et licet in his nihil certi possit determinari, tamen probabilior illorum videtur sententia, qui B. Justinum in persecutione quinta sub M. Antonino Philosopho, seculo secundo media sui parte jam lapsō, passum existimant. Fa- storum Sicularum sive Chronicorum Alexandrinorum Auctor, nec non BEDÆ, USUARDI, ADONIS, aliorumque Martyrologia mortem B. Martyris pariter regnante Antonino Philosopho, consignarunt. Proinde EPIPHANIUS excusari nequit, qui mira *ἀνισσπρία* *hæres.* XLVI. B. Justinum sub Hadriano sanguinem fuisse scribit.

§. V. Accedimus nunc ad Martyrium IRE- NÆI, quod tanto splendidius est, quanto plures Christianorum cum ipso sunt occisi. De Patria ac Parentibus illius omnia prorsus sunt incerta, & nulli-

nullius ex Antiquis Doctoribus Historia majori la-  
 borat defectu, quam Irenæi. ERASMUS ROTE-  
 RODAMUS accuratissimus alias Scriptorum Ve-  
 terum censor Patribus Latinis Eundem accenset; &  
 OECUMENIUS vocat Gallum in *Cap. III. Epistol.*  
*posterior. Petri*, qui tamen non Natale solum Ire-  
 næi, verum functionem illius in Gallia respicere  
 videtur: sed cum nomen præ se ferat Græcum &  
 reliquæ scriptorum ejus habeantur Græcè, inter  
 Græcos Veteris Ecclesiæ Doctores communiter  
 solet recenseri: HIERONYM. *de Scriptorib. Eccles.*  
*Cap. LIII. & in Cap. XXXV. Ejaia.* CENTURIA-  
 TOR. *Centur. II. Cap. X. p. m. 172.* CHAMIER.  
*Panstrat. Tom. II. Lib. XIII. Cap. XXII. §. XVIII.*  
*& XXII. Du Pin Biblioth. Autor. Eccles. Tom. I.*  
*p. m. 107.*

§. VI. Præceptorem habuit in tenera ætate,  
 D. Polycarpum, cujus doctrinam & quæcunque  
 protulerit, adeo firmiter memoriæ impressit, ut in  
 Epistola ad Morinum perscripta, quæ apud EU-  
 SEBIUM *Lib. V. H. E. Cap. XX.* habetur, referat,  
 voces defuncti Præceptoris sibi in auribus perpe-  
 tuo sonare, illiusque imaginem oculis adhuc ob-  
 versari. Testem adduco insuper THEODORE-  
 TUM, qui *Dialog. I. contra hæres.* scribit: *Inau-*  
*disti*



*disti etiam de Irenæo, qui Polycarpi frui-  
tus est disciplina & Gallorum occiden-  
talium Lumen fuit. Cum pietatis verò stu-  
dio cognitionem quoque Philosophiæ conjunxit,  
unde omnium doctrinarum accuratissimus. Ex-  
plorator à TERTULLIANO vocatur. Cap. V. ad-  
vers. Valentin.*

§. VII. Mortuo Photino, Lugdunensis Ec-  
clesiæ Episcopatum est adeptus: atque ut Provin-  
ciam, quam nactus erat, rite ornaret, nec ullis labo-  
ribus nec proprio sanguine pepercit. Satiùs enim  
duxit pro Gloria Dei & fidei Veritate acerrime de-  
certare, vitamque temporalem prius amittere,  
quam in hæreticorum favorem ac gratiam conni-  
vere, & æternæ salutis facere jacturam. Idcirco  
hæreticos verbo & scriptis refutavit: in Unione  
Ecclesiarum refarcienda, præsertim in componen-  
da Paschali controversia, plurimum laboravit: co-  
que nomine Victorem Romanum Pontificem Ec-  
clesiis Asiaticis anathema parantem, coacta Episco-  
porum Gallicanorum Synodo, per literas pacifice  
admonuit & renitentem acriter objurgavit. Nam  
hic Princeps Veritatis testis primus fastui Anti-  
Christiano mascule se opponere est ausus. DAN-  
HAUER. *Act. 1. Christid. p. m. 313.* CROCIVS

*E*

*Anti-*

*Anti-Becan. Part. II. p. m. 862. EUSEBIUS H. E.*  
*Lib. V. Cap. xx. xxiii. xxiv. Du Pin Biblioth. Autor.*  
*Eccles. Tom. I. p. m. 108. CAVE HISTOR. Liter.*  
*p. m. 40.*

§. VIII. Martyr evasit Magnus Ecclesiæ Pro-  
pugnator ac pro sui Nominis augurio Pacis Eccle-  
siasticæ Vindex S. Irenæus in Persecutione sexta,  
quam Septimius Severus excitavit, A. C. CCIV. vel  
juxta Baronium CCV. cum Episcopatum Lugdu-  
nensem per quinque ferme lustra tenuisset. CEN-  
TURIATOR. *Centur. II. Cap. xi. p. m. 175. FRE-*  
*CULE. Tom. II. Lib. II. Cap. xxii. BARON. Tom. I.*  
*Annal. ad A. C. CCV. SCÆVOLA & LUDO-*  
*VIC. SANMARTHANI in Gall. Christian. Tom.*  
*I. fol. 291. Imperator quippe Severus superstitioni*  
*Gentilitiæ admodum deditus, immensi in singulos*  
*Christianos odio ac sævitia cœpit sævire, & præser-*  
*tim in illorum Doctores omnem effudit furorẽ.*  
*Hinc Lugduni tanto numero Christiani sunt inter-*  
*fecti, ut eorum sanguis omnibus vicis flueret. GRE-*  
*GORIUS TURONENS. Hist. Francor. Lib. I.*  
*Cap. XXVII. Cumque ibidem munere Episco-*  
*pali defungeretur B. Irenæus, una cum Grege sibi*  
*à Christo credito, sanguinolentis Severi manibus*  
*occubuit,*

§. IX. Quo

§. IX. Qvo autem genere mortis vitam finierit S. Martyr, dissentiunt Scriptores. Græci in Menologio Eum post varia tormenta gladio tandem sublatum, diserte affirmant. SYMPHORI-ANUS CHAMPERIUS, vel CAMPEGIUS, Lugdunensis Medicus, cujus vitam & scripta nobis exhibet JOH. ANTON. VAN DER LINDEN *Lib. I. de Scriptor. Medicis*, locum quoque addit, in quo capite truncatus, nempe collem Forjulianum. Auctor vero Libri de ætatibus Mundi, in ætate VI. fol. m. n. 6. Crucis supplicium eundem subiisse refert. IRENÆUS, scribit, *Lugdunensis Episcopus, Vir doctissimus, jam grandævus, apud eandem Urbem pro Christi nomine Martyr efficitur.* Et paulo post hæc subnectit: *Demum vero sæviante hac persecutione, à Severo positus inter duos scolles, cum in uno crucem, in alio Idolum posuisset ut mortem per crucem, vel vitam per Idolum eligeret, cum populo tamen ad crucem venit, & omnes Martyrio coronati sunt,* IV. Kl. Junii.

§. X. Alii contra Autores martyrii genus prorsus omittunt. Sic GREGORIUS TURO-

NENSIS Lib. I. Histor. Francor. Cap. XXIX illum  
tantum martyrio decoratum dicit, martyrii genere  
non addito: *Beatum Irenæum, diversis in  
sua carnifex præsentia pœnis affectum,  
Christo Domino per Martyrium dedica-  
vit.* Similiter ADO in Martyrolog. IV. Kl. Julii.  
*Apud Lugdunum Galliae S. Irenæus E-  
piscopus, in locum B. Photini prope nona-  
genarii ob Christi martyrium coronati,  
successit. Quem etiam constat Beatis-  
simi Polycarpi Sacerdotis & Martyris  
fuisse Discipulum, & Apostolicorum tem-  
porum vicinum. Postea vero persecutio-  
ne Severi cum omni ferè civitatis suc-  
populo gloriose coronatur martyrio.* Ea-  
dem ferme habet MARTYROLOGIUM ROMA-  
NUM IV. Kl. Julii. Vetusissimus Codex MSC. Ec-  
clesiæ Lugdunensis apud SEVERTIUM hæc sup-  
peditat: *Cum tempore Gentilitatis perse-  
cutio Severi Imperatoris in dicta Lugdu-  
nensi Civitate insaniendo debacharetur,*  
ac

*ac interfectis ibi decem & novem virorum millibus, exceptis parvulis & mulieribus, longo atque gloriosissimo coronatus martyrio, tandem hostia CHRISTO factus est. Sepultus à Zacharia Presbytero in crypta Basilicæ B. Johannis Evangelistæ sub altari - - cui corpori ab Uno latere Epodius, ab altero Alexander est tumulatus.* Plura videri possunt apud FRANCISCUM FEVARDENTIUM in Apparatu Operum Irenæi Parisiis Anno M. DC. XXXIX. edito.

§. XI. Sunt nonnulli qui asserere minime dubitant, Irenæum fuisse Angelum illum sive Episcopum Ecclesiæ Thyatirensis, cujus mentionem Johannis Theologus in Divinæ Apocalypseos Cap. II. commate XVIII. injecit. ANTIOCHUS BRONDUS CALARITANUS, *Permulti*, diserte scribit, *Apocalypseos expositores Martyrem Irenæum Ecclesiæ Thyatirensis Episcopum fuisse existimant tempore, quo Apostolus & Evangelista Johannes hæc*

*Apocalypseos scribebat mysteria. Comment in II. Cap. Apocalyps. Disput. XVI. quæst. II. Ad verba igitur illa, Apocalypseos Johannez: Et Angelo Thyatiræ; præclare admodum NICOLAUS LYRANUS annotavit: Qui ab aliquibus dicitur fuisse S. Irenæus, qui non solum istam Ecclesiam sed & multas alias vita & doctrina illustravit. Sed hoc non videtur probabiliter dictum, quia non fuit contemporaneus B. Johanni, qui videtur scribere de Episcopis sibi contemporaneis. Commentar. in Apocalyps. Cap. II.*

§ XII. Neque veritati consentire videntur, quæ in compendiosa S. Scriptura dilucidatione PETRUS AUREOLUS scribit: Sciendum est, quod Irenæus fuit primò Episcopus Thyatiræ. Licet autem iste non fuerit Johanni contemporaneus, in Spiritu tamen Prophetico loquitur de isto; quia excessit omnes Episcopos Ecclesiæ Thyatiræ.

Hanc



Hanc vero tuam opinionem nullo vel Patrum vel  
alicujus autoritatis Scriptorum testimonio, dedit  
confirmatum: ideoque eadem, quâ adstruitur, le-  
vitate refellitur. Majori forsitan fide per Angelum  
Smyrnæ *Apocalyps. II. comm VIII.* intelligi potest  
S. Polycarpus, qui cum ipsis Apostolis conversatus  
ab iis Ecclesiæ Smyrnenſis Episcopus dicitur con-  
secratus. Nullus enim tum temporis Smyrnæ  
fuit Sanctitate clarior Polycarpo, quem proinde  
Hieronymus facile totius Asiæ Principem appella-  
vit. In cæteris Episcopis maculam aliquam S. Jo-  
hannes observavit, in Angelo Smyrnæ nullam, sed  
magnas potius multasque illius virtutis commen-  
davit. Ideo LYRANUS ad illa verba: *Et An-  
gelo Smyrnæ*: indubitanter asserit: *Iste fuit  
S. Polycarpus, secundum Doctores com-  
muniter. Comment. in Apocal. Cap. II. PAME-  
LIUS in Not. ad Tertullian. de Prescript. Cap.  
XXXII. num. CXXCV. IRENÆUS Lib. V. Cap.  
XXX. JOH. HENICHIUS in Histor. Ecclesiast.  
Part. I. Secul. I. Cap. III. p. m. 101.*

§. XIII. Pro veritate tuenda ad mortem us-  
que decertavit quoque BABYLAS Episcopus An-  
tiochenus, qui fervente Persecutione Deciana A. C.  
circi

circiter CCLI. In vineulis ferreis, quibus cum & se-  
 peliri voluit, gloriosum vitæ finem est sortitus, post-  
 quam Episcopali dignitate per duodecim, vel juxta  
 alios, tredecim annos egregiè admodum fuerit de-  
 functus. BUCHOLCER. *Indic. Chronolog. p. m. 2.*  
 175. HOTTING. *Hist. Ecclesiast. Part. I. p. m. 123.*  
 SÖFFINGS *Hist. Pentecular. Secul. III. p. m. 35.*  
 MARTYROLOG. ROMAN. IX. Calend. Februar.  
 HIERONYMUS *Scriptorib. Ecclesiast. Cap. LIV.*  
*in Origine, & LXII. in Alexandro.* EUSEB. *Hist.*  
*Ecclesiast. Lib. VI. Cap. XXXIX.*

§. XIV. Nonagesimum ætatis agens an-  
 num martyrium complexit. Nam Imperatorem,  
 Antiochiæ degentem, aditu templi arcuit, nec ad  
 sacra Christianorum spectanda admittere voluit,  
 quod Regis cujusdam filium oblidem crudeliter  
 occiderat: Non licere, inqviens, more & Idolo-  
 rum sacrificiis polluto tam præcipitanter domum  
 DEI ingredi & divina mysteria contaminatis oeu-  
 lis spectare. Vel ut SVIDAS *in voce βαβυλ, p. 170.*  
 scribit: Se non passurum ut Lupus ovile Domini  
 ingrederetur. Atque ita mortem sibi conscivit,  
 Imperator quippe ægrè admodum ferens repulsio-  
 nem Episcopi, metu tamen multitudinis Christia-  
 norum, qui congregati ibidem erant, seu alia quâ  
 de



de causa, discessit quidem, sed in Regiam reversus Babylam accersiri iussit, illumque ob crimen lætæ Majestatis vehementer reprehendit, nec iram suam ex delicti hujus gravitate conceptam placari posse, nisi Diis sacrificaret. CHRYSOSTOM. *Sermon. de Babyla.* CENTURIATOR, *Centur. III. Cap. XII. p. m. 214.*

§. XV. Verum Episcopus post defensionem facti sui respondit Imperatori: Se Idolis nequaquam sacrificia oblaturum, neque etiam Pastorem ulla ratione Ovile negligere potuisse, & mirari quod nunc ab Omnipotente Deo defecturum & falsis Numinibus divinum cultum speraret exhibiturum. Hinc Decius ipsum in vincula & carcerem conjici, caput ejus amputari, imperavit. Hilari autem vultu hanc excepit sententiam S. Babylas & læto animo extremam vitæ suæ diem expectavit.

§. XVI. Proinde cum Venerandus Senex constituta supplicii die ad mortem traheretur, senectaque illius membra duris vinctæ catenis, premerentur, ipse totus velut in gaudia solutus dulcemelos canere coepit, suasque exequias eodem decoravit; *Revertere anima mea in*

*E*


*re*

*requiem. Quia Dominus benefecit tibi : Quia eripuit animam meam de Morte, oculos meos à lacrymis, pedes meos à lapsu. Ambulabo coram Domino in terra vivorum.* Et jam jam moriturus, rogavit: *Nolite me sepeliri sine catenis istis, ne mihi in postrema die carendum sit ornamentis meis.* Imo MARTYROLOGIUM ROMANUM IX Calend. Januar. cum B. Babyla tres pueros, URBANUM, PRILIPPIANUM & EPOLONIUM, quos in fide Christiana instituerat, refert occisos: Ideoque S. Episcopum à carnifice petisse, ut tres filii sui primo loco coram oculis suis occiderentur, ne post mortem suam à gentibus peruvatione inducti forsitan à Christianismo abducerentur. Quibus vero occisis & Ipse imperterrito animo collum carnifici ferendum præbuit, dicens: *Eccè Ego & pueri mei quos dedit mihi Dominus.* Sicque doctrinam de Christo sanguine suo ob signavit. DRESSER. *Isagog. Hist. Millenar. V. p. m. 205.* Ferunt quoque, cum Julianus Apollinem Daphneum Antiochiæ consulere, obstinisse Ora-  
cu-

culo Ossa & catenas Babylæ ibi locorum sepul-  
 ti: remotis autem hisce, tum demum respon-  
 disse dæmonium. CHRYSOSTOMUS fidem histo-  
 riæ conciliare consentit ex testimonio Senum  
 Juvenumque, qui tanquam testes idonei asseve-  
 rassent *Sermon. IX. in Epistol. ad Ephesios. Ho-  
 mil. IV. de laudib. Pauli.* Cæterum ut non ne-  
 gamus Deum posse per contempta media Dia-  
 bolum confundere, & solere etiam interdum, oc-  
 casione & necessitate ita efflagitante: Ita non  
 raro fit, ut versipellis Dæmon simulet fugam, vel  
 dolorem aliquem, ut insuperstitionem credulos  
 vel inducat, vel confirmet: BEBELAUS *Histor. Tri-  
 secul. Secul. III. Articul. II. Sect. II. §. XVIII. p. m.*  
*584.* SOZOMEN, *Histor. Ecclesiast. Lib. V.*  
*Cap. XVIII. XIX.* THEODORET, *Histor. Ec-  
 clesiæ Lib. III. Cap. XXI.* Duos autem fuisse Ba-  
 bylas, quorum alterum sub Numeriano passum  
 scribit: NICEPHORUS *Lib. VI. Cap. xxxiii. & Lib. x.*  
*Cap. xxix.* nititur contra veritatem: ex successio-  
 ne enim Episcoporum Antiochenorum dispale-  
 scit, nullum Episcopum, cui Babylæ esset no-  
 men, tempore Numeriani, Ecclesiæ præ-  
 fuisse Antiochenæ.

CAP. III.  
ET ULTIMUM  
De  
MARTYRIO  
CYPRIANI ET LAURENTII.

§. I.

 Væ Universarum Africæ Urbium exstitit quondam Princeps Carthago, eidem illustre quoque Ecclesiæ Africanæ Sidus, THASCIUS CAECILIUS CYPRIANUS, ortum suum debet atque Originem, qui antiquam Patriæ Gloriam propriis Virtutibus tantopere evexit in majus, ut quemadmodum de illa siere. satius duxit SALLUSTIUS in *Bello Jugurthino pag. m. 63.* quam parum dicere, ita nec hujus laudes omnino consequi posse, Hipponensium Præsul *Lib. II. contra Crescon. Cap. XXXI.* existimarit. Illarum quippe Virtutum, quibus coruscarit, splendor intra Patrios limites minime substitit, sed omnes propemodum Mundi Plagas radiis suis collustravit. NAZIANZ. *Orat. XXIIX. in laud. ejus.*

§. II. Qvi-

§. II. Quibus natus fuerit Parentibus Historiarum silent monumenta, nec ulla apud ipsum Cyprianum de iisdem habentur vestigia, Gentilium adhuc addictus superstitioni in Corona Carthagine Oratoriam docuisse testis est HIERONYM. *de Scriptorib. Eccles. Cap. LXVII.* Hinc LACTANTIUS de eo scribit: *Magnam sibi Gloriam ex Artis Oratoriæ Professione quæsit, & admodum multa conscripsit in suo genere miranda. Erat enim ingenio facili, copioso & suavi, & (quæ Sermonis maxima est virtus) aperto: ut discernere nequeas, utrum ornatior in eloquendo, an faciliior in explicando, an potentior in persuadendo fuerit. Lib. V. Divinar. Institution. Cap. I.* Et SIXTUS SENENSIS: *Cyprianus ante susceptam fidem gloriose Rhetoricam docuit. Multa piissima opuscula elegantissimæ Phræseos & Ciceroniano candori proximæ ad ædificationem Ec-*

*clesiæ scripsit. In quibus, ut HIERONY-  
MUS ad Paulinum scribens, ait, instar fon-  
tis purissimi lenis incessit & placidus.  
Lib. IV. Biblioth. p. m. 275.*

§. III. Ad fidem Christianam à Presbyte-  
ro quodam nomine Cæcilio, cujus postea co-  
gnomen assumpsit, occasione lectionis Jonæ  
Prophetæ est conversus. HIERONYM. *Com-  
ment. in Cap. IV. Jonæ Tom. VI. Oper.* Ma-  
gnum igitur propagandæ veritatis ardorem cum  
in eo animadverterent Carthaginenses, Presby-  
ter primò est constitutus, nec multo post, Do-  
nato Episcopo Carthaginensi defuncto, in Ejus  
locum, Clero & Universo Carthaginensi populo  
suffragantibus, electus Episcopus. CENTU-  
RIATOR. *Centur. III. Cap. X. p. m. 170.* SCUL-  
TET. *Medull. Patr. Lib. VIII. Cap. I. p. m. 282.*  
MICRÆL. *Syntagm. Histor. Sacr. Lib. II. Sect. I.  
p. m. 243.* Atque in gravissimis istis officiis ita se  
gessit, ut propter insignes, quas sororio quasi ne-  
xu conjunctas habuit & excoluit, virtutes, Mo-  
destiam scilicet & Humilitatem, Caritatem erga  
Proximum, Magnitudinem animi, fidelitatem  
denique summam, Omnium gratiam amorem-  
que

que sibi conciliarit. Sed de his Asiaticè in præ-  
senti agere non est nostri institutū, ideoque ad  
GREGORIUM NAZIANZENUM, PONTI-  
UM DIACONUM, PAMELIUM & alios,  
qui totius vitæ cursum B. Martyris literis manda-  
runt, provocamus.

§. IV. Primus omnium Episcoporum  
Carthaginiensium sanguine muneri suo coron-  
idem imposuit. Nam quod fideles suos ad per-  
severantiam in fide hortaretur, variam inde ex-  
pertus est fortunam, quam tamen ferendo sem-  
per superavit, nec illum æstimavit infelicem, qui  
Deum in corde haberet. Concitaverat quippe  
eo ipso Ethnicorum odium in se tantopere B. Cy-  
prius, ut vitæ ejus ceu Prædæ inhiarent, nec  
exacerbatos animos prius putarent sedatos, quam  
ipso è vivis sublato. Hinc aliquoties solum  
vertere, plus simplici vice Patrios lingvere Lares,  
in abdyta secedere & crypta quærere coactus  
cruentas hostium suorum manus effugere tan-  
dem nequivit, sed Purpureus è Statione sua dis-  
cessit.

§. V. Incidit autem D. Martyris transitus.  
ex hac miseriarum valle ad meliorem vitam in  
Per-

Persecutionem Nonam à LICINIO VALERIANO  
 agitatam A. C. CCLVIII. vel ut alii volunt  
 CCLXI. quâ prope Urbem Carthaginem in lo-  
 co quodam Sexti appellato, Caput ipsi est ampu-  
 tatum. SPANHEM. *Histor. Sacr. T. I. p. m.*  
 324. ARNDIUS *Lex. Anqvitat. Ecclesiast. p.*  
*m 912.* GESSELIUS *Hist. Eccles. T. I. p. m. 326.*  
 SPIZEL, *Academ. J. C. pag. m. 63.* CENTU-  
 RIATOR. *Centur. III. Cap. X. p. m. 175.* DU  
 PIN *Biblioth. Autor. Eccles. p. m. 235.* Digna sunt  
 notatu quæ circa ultima Ejus contingere, ex qui-  
 bus facillimè licet colligere, quam constanter fi-  
 dem Jesu Christi coram hostibus fuerit professus.  
 Polycarpum *Cap. I. §. XVII.* Pro-Consuli Asiæ  
 Statio Quadrato bestias ignemque minitanti dixi-  
 mus respondisse: *Quid cessas? profer*  
*quodcunque volueris?* Idem in Martyrio  
 S. Cypriani observamus. Nam & is Pro-Con-  
 suli Carthaginensi Galerio Maximo, ad ἀποστασίαν  
 ipsum sollicitanti, hanc dedit responsionem:  
*Fac quod Tibi præceptum est; In re*  
*tam justa nulla est consultatio.* Præte-  
 rea cum Pro-Consul sententiam diceret: *Tha-*  
*scium Cyprianum Gladio animadverti*  
*pla-*



*placet. S. Martyr ad preces se convertit dicens: Gratias ago Deo Omnipotenti, qui me à vinculis hujus Corporis dignatur absolvere.* KORTHOLT. *de Persecut. Cap. IX. §. m. 401. §.* SAGITTARIUS *de Cruciatib. Martyr. Cap. III. p. m. 36. Cap. VI. pag. 67.* Eleganter igitur AUGUSTINUS scribit: *Si dixit sententiam Pro-Consul in Cyprianum, alia est Sella terrena, aliud tribunal Caelorum. Ab inferiore accipit sententiam, à Superiore Coronam. Enarrat. in Ps. XXXVI. Conc. III.*

§. VI. Discrimen denique probe notandum, ne Sanctissimus Carthagincnsium Præsul Cyprianus cum aliis ~~omnibus~~ confundatur. Longe enim diversus est à Cypriano illo Antiocheno & Nicomediensi Martyre, qui una cum Justina passus est sub Diocletiano. Distinctus quoque ab aliis Cyprianis, Unizibirensi Antistite & Martyre, nec non Pictaviensi, quem Cives die XIII. Julii festo colunt, & ab Abbate Petragonico, cuius Beda Venerabilis & Ussuardus in Martyrologiis D. IX. Decembr. fecerunt mentionem.

G

PHO-

PHOTIUS *Biblioth. Cod. CXXCIV. BEBEL.*  
*Histor. Trifecul. Secul. III. Articuli. l. p. m. 493.*  
GALLONIUS *de Cruciatib. Martyr. Cap. IX.*  
*p. m. 506 ff.* Et tantum de Martyrio Cypriani.  
Reliqua ejus fama narrabit, sine dubia minora  
verò nuntiatura. Nam nihil quod addere pos-  
sit, inveniet.

§. VII. Eadem quoque Persecutione Co-  
ronam Martyrii B. LAURENTIUS accepit, Sixti  
Episcopi Romani, (quem pariter lævitia Vale-  
riana absorbit) Diaconus. Qui cum videret  
Sixtum Episcopum suum ad Martyrium duci, la-  
crymas fundere, nec illius passionem sed suam  
remansionem dolere cœpit. Itaque his luctuo-  
sis verbis eundem allocutus fertur: *Quo pro-*  
*grederis sine Filio Pater? Quo Sacer-*  
*dos Sancte sine Diacono properas? Num-*  
*quam sacrificium sine Ministro offerre*  
*conseveras? Quid in me ergo displicu-*  
*it Pater? Cur consortium sanguinis Tui*  
*mibi negas. Abraham filium obtulit:*  
*Petrus Stephanum præmisit. Et Tu,*  
*Pa-*

*Pater, ostende in filio Virtutem tuam;  
Offer quem erudisti, ut securus iudicii  
comitatu nobili pervenias ad coronam.  
Cujus tamen flebili voci medicinam fecit Sistus  
Episcopus mitium Verborum fomentis: Non  
ego Te, Fili, relinquo ac desero: sed ma-  
jora tibi debentur certamina. Mox ve-  
nies, flere desine, post triduum me se-  
queris.* AMBROSIUS *Lib. I. Offic. Cap. xli,*  
AUGUSTIN, *Tract. XXVII, in Johann. Ser-  
mon, III. de Sanct.*

§. VIII. Respondit Sixti verbis exitus Lau-  
rentii. Nam quod primus esset Diaconorum  
atque thesauros Ecclesiæ custodiret, pauperibus-  
que erogaret, Præfectus ab eo postulavit, ut the-  
sauros istos sacros ab Episcopo sibi concredi-  
tos traderet Imperatori. Tridui spatium ad  
eos colligendos petiit Laurentius, interea omnes  
mendicos, pauperes ac ægrotos convocavit, il-  
losque constituta post triduum hora, Præfecto  
Urbis auro & argento inhianti ostendit, dicens:  
*Hi sunt Ecclesiæ thesauri: quibus si*

G 2

*quid*

*quid detur, non perit, sed cum amplis-  
simo fœnore in cœlo redditur.* CENTU-  
RIATOR. *Centur. III. Cap. XII. p. m. 208.* PAP-  
PUS *Histor. Ecclesiast. p. m. 127.*

§. IX. Spes igitur insatiabilem auri fa-  
mem explendi postquam decollasset, Præfectus  
in rabiem versus B. Laurentium gravissimis affe-  
ctum tormentis craticulæ imposuit & lento igne  
cessavit: GALLONIUS *de Cruciatib. Mar-  
tyr. Cap. VII. p. m. 319.* MARTYROLOG. RO-  
MAN. *D. X. August.* BECKIUS *Martyrolog.  
p. m. 63. 128.* Quam invicto autem animi robore  
illos cruciatus perpeßus fuerit Sanctus Martyr  
sufficienter verbis nequit exponi. Ipse enim in  
craticula jacens, summa cum alacritate gloriaba-  
tur, se non torreri: sed suaviter carbonibus istis  
refrigerari: Imo adusto latere Tyrannum incla-  
mavit: *Assum est, verte & manduca.*  
AMBROSIUS *Lib. II. Offic. C. XXVIII.* GRE-  
GORIUS TURONENS. *Lib. I. Cap. XXX.*  
PRUDENTIUS *perigr. hymn. II. de B. Lauren-  
tio.* Atque ita animi virtute ignis vicit naturam  
B. Laurentius, cujus assatura suaviter in tota  
CHRI-

CHRISTI fragrat Ecclesia. RUPERTUS TUL-  
TIENS, *Lib. VIII. de Divin. Offic. Cap. X.*

§. X. Non alienum videbitur simile ex-  
emplum quod sub Juliano Apostata contigit ,  
hic apponere. MACEDONIUS quippe ,  
THEODULUS ac TATIANUS, Diis sacri-  
ficare nolentes, ab AMACHIO, Phrygiæ Præfi-  
de, omni tormentorum genere & crudelissimis  
cruciatibus vexati , craticulæ denique impositi  
pariter generosum hoc fortitudinis edidere do-  
cumentum , ut ita Præfectum sint allocuti : *Si  
cupis , Amachi, carnes assas degusta-  
re, verte nos in alterum latus, ne for-  
te gustui tuo semiaffati videamur.* SO-  
CRATES *H. E. Lib. II. Cap. XIII.* SOZOMEN,  
*H. E. Lib. V. Cap. XI.*

§. XI. Ossa B. Laurentii in Via Tiburti-  
na in Crypta in Agro Verano recondita dicit BA-  
RONIUS *Tom. I. Annal. ad A. C. CCLXI. num.*  
IX. ejusque memoria multis SS. PATRUM ser-  
monibus, nec non AURELII PRUDENTII  
carmine, est concelebrata. De Sangvine B. Lau-  
rentii mira prorsus PAULUS ARINGHUS,

in Roma Subterranea, noviss. Lib. I. Cap. XXVIII.  
num. X. & XI. p. m. 96. ff. refert. Ita autem ibi-  
dem scribit: In Ecclesia cujusdam Cam-  
paniae Urbis (quæ S. Laurentien voca-  
tur) adhuc hodie aliquid de Sanguine  
B. Laurentii in vitro asservatur. Hic  
sanguis pinguedine commistus quotan-  
nis die X. August. (quò scilicet Lauren-  
tius assatus) mollescit, & per octiduum à  
pinguedine alienus in superiore vitri  
parte permanet ac igni quasi imposi-  
tus coquit. Finito deinde octiduo cum  
pinguedine denuò commistus durescit.  
Hæc Paulus V. Pontifex Romanus  
audiens, aliquot guttulas de hoc san-  
guine B. Martyris in aliud vitrum in-  
fundit, Romam transferri, atq; in Sa-  
crarium M. Basilicæ B. V. Mariæ in-  
ter cæteras Sanctorum reliquias poni  
cura-

*curavit ac custodiri.* Sed an veritati hæc  
conveniant Uniuscujusvis judicio relinqvimus,  
Fides saltem penes Autorem.

Atque ita coronidem huic Dissertationi im-  
ponimus, nos & Studia nostra omnium Favori  
ac Benevolentia, quorum oculis exilis hic  
labor subjicitur, de meliori com-  
mendamus.

O. A. D. G.

